

**JAVNA USTANOVA DOM ZDRAVLJA  
KANTONA SARAJEVO**

**V.D.GENERALNI DIREKTOR**

**Broj 01-03-7410-11/19**

**Dana, 22.08.2019. godine**

**Sarajevo, Vrazova 11**

Na osnovu člana 70. stav (1),(3) i (6) Zakona o javnim nabavkama ("Službeni glasnik BiH" broj 39/14), člana 38. Statuta Javne ustanove Dom zdravlja Kantona Sarajevo ("Službene novine Kantona Sarajevo" broj 40/13, 20/16), člana 17. Pravilnika o procedurama javnih nabavki i stvaranju ugovornih obaveza u Javnoj ustanovi Dom zdravlja Kantona Sarajevo i Preporuke Komisije za javne nabavke broj 01-08-7410-4/18 od 21.08.2019. godine, v.d.generalni direktor donosi sljedeću

**ODLUKU**

**o izboru ponuđača Osmjeh doo Zenica  
u postupku nabavke broj OP 23/19 za Lot 7  
( Zubi )**

**I**

Ugovor o nabavci u otvorenom postupku javne nabavke broj OP 23/19, sa predmetom nabavke Potrošni stomatološki materijal za Lot 7 - Zubi za potrebe Javne ustanove Dom zdravlja Kantona Sarajevo, dodjelit će se ponuđaču: **Osmjeh doo Zenica**.

**II**

Po okončanju roka za žalbu, ugovorni organ će pozvati izabranog ponuđača radi zaključenja odgovarajućeg ugovora kojim će se regulisati međusobna prava i obaveze vezane za predmetnu nabavku shodno uslovima ugovornog organa navedenim u tenderskoj dokumentaciji i zakonskim propisima koji regulišu postupak ugovaranja.

**III**

Ova odluka objavit će se na web-stranici web: <http://www.judzks.ba>, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

**IV**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

## O b r a z l o ž e n j e

Na osnovu Odluke broj 01-03-7410/19 od 10.07.2019. godine, o pokretanju postupka javne nabavke broj OP-23/19, pokrenut je otvoreni postupak sa predmetom nabavke potrošni stomatološki materijal za potrebe Javne ustanove Dom zdravlja Kantona Sarajevo.

Obavještenje o nabavci objavljeno je na Portalu javnih nabavki dana 12.07.2019. godine pod brojem 29-1-1-48-3-65/19.

Ugovorni organ proveo je aktivnosti vezane na nabavku u skladu sa odredbama Zakona o javnim nabavkama.

Kriteriji za vrednovanje "**najniža cijena tehnički zadovoljavajuće ponude**" utvrđen je tenderskom dokumentacijom ugovornog organa.

Komisija je konstatovala da su do zakazanog termina, pristigle tri ponude sa ponudenom cijenom kako slijedi:

R/b	Ponudač	Ponudena vrijednost u KM bez PDV-a	Ponudena vrijednost u KM sa PDV-om
1	Sanitaria Dental doo Mostar	24.970,00 KM	29.214,90 KM
2	Osmjeh doo Zenica	25.000,00 KM	29.250,00 KM
3	Dental grupa doo Sarajevo	21.175,00 KM	24.774,75 KM

Shodno navedenom, Komisija je izvršila evaluaciju ponuda te je konstatovala da su sve tri ponude kvalifikovane i da su se stekli uslovi za provođenje e-aukcije gore navedenih ponuđača.

Nakon održane e-aukcije Komisija je utvrdila konačnu rang listu kako slijedi u tabeli:

### KONAČNA RANG LISTA PONUĐAČA KOJI SU UČESTVOVALI U E-AUKCIJI

Rang/ lista	Ponudač	Konačna cijena u KM <u>bez PDV-a</u>	Konačna cijena u KM <u>saPDV-om</u>
1.	Osmjeh doo Zenica	21.153,00 KM	24.749,01 KM
2.	Dentalgrupa doo Sarajevo	21.175,00 KM	24.774,75 KM
3.	Sanitaria Dental doo Mostar	24.970,00 KM	29.214,90 KM



Imajući u vidu da je ponuđač ispunio sve kvalifikacijske uslove postavljene tenderskom dokumentacijom, i činjenice da je ponuda u skladu sa procijenjenom vrijednosti čime je ispunjen ekonomski zahtjev ugovornog organa, Komisija je jednoglasno dala preporuku generalnom direktoru da donese odluku o izboru ponuđača i dodjeli ugovor ponuđaču **Osmjeh doo Zenica**, čija ponuda ispunjava sve tražene uslove, za ponudenu vrijednost od **24.749,01 KM** sa uračunatim PDV-om (17%).

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocijenu kvalificiranosti ponuđača te ocijenu prispjelih ponuda, shodno kriteriju iz Tenderske dokumentacije.

U postupku ocjene provedenog postupka, generalni direktor nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Shodno navedenom, v.d. generalni direktor Javne ustanove Dom zdravlja Kantona Sarajevo, donosi odluku kao u dispozitivu.

**PRAVNA POUKA:** Ponuđač koji smatra da je ugovorni organ prekršio odredbe Zakona o javnoj nabavci, ima pravo uložiti žalbu ugovornom organu, u roku od 10 (deset) dana od dana prijema Odluke o izboru najpovoljnijeg ponuđača. Žalba se izjavljuje ugovornom organu u pisanoj formi u dovoljnom broju primjeraka koji ne može biti manji od tri.

**Dostaviti:**

- **Osmijeh doo Zenica**  
*Ul. Prve Zeničke brigade br.7 , 72000 Zenica*
- **Dental grupa doo Sarajevo**  
*Ul. Malta bb, 71000 Sarajevo*
- **Sanitaria Dental doo Mostar**  
*Ul. Blajburških žrtava br.23 , 88000 Mostar*
- JN
- a/a

**V.D. GENERALNI DIREKTOR**

*Prof.dr. Mehmed Kulic*



**pripremio:**

*Armin Hodzic*

**Armin Hodzic , stručni saradnik za JN**